



AZo illustri familia apud Germanos natus, ab ineunte ætate uirtutibus operam dedit, atq; in uirum clarissimum euasit. Itaq; Cæsaris Heinrici 3. castra in Italia sequens, rerum gerendarum dexterritate sibi apud omnes magnam autoritatem comparauit. Vnde Heinricus uictor eum ob magnam corporis & animi fortitudinem marchionē in Ast creauit, atq; in multis locis dominum cōstituit, circa annum Christi 1050. Erat eo tempore apud Sueuos unica filia Kunigundis, ex illustri familia Guelphorum comitum in Altpurg derelicta. eam Azo sibi matrimonio iunxit, atq; clarissimam sobolem ex ea procreauit, quorum aliqui postea apud Ger-

manos principem locum obtinuerūt. Cum hoc modo Azo magna dexterritate suam ditionem gubernasset, tandem moriēs eam Guelphoni filio reliquit, qui ob uirtutes dux Bauariæ anno 1071. à Henrico 4. cōstitutus fuit. Vt autem eius sobolem rectius intelligamus, eandem (pro tenuitate ingenij) ut ex authoribus colligere licebat, subiicere placuit.